

Na osnovu člana 16. stav (4) Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 i 3/23), na prijedlog ministrice Ministarstva zdravstva, Vlada Zeničko-dobojskog kantona, na 77. sjednici, održanoj dana 18.04.2025. godine, d o n o s i

ZAKLJUČAK

I.

Usvaja se Informacija o trenutnoj epidemiološkoj situaciji zarazne bolesti morbila na području Zeničko-dobojskog kantona Ministarstva zdravstva, broj: 11-33-5592-20/24 od 10.04.2025. godine, koja čini sastavni dio ovog zaključka.

II.

Obavezuje se Ministarstvo zdravstva da nastavi obavljati nadzor nad zaraznom bolesti morbila na području Zeničko-dobojskog kantona i da na osnovu Obavijesti JU Institut za zdravlje i sigurnost hrane Zenica o odjavi epidemije zarazne bolesti morbilla na području ZDK broj: 02-1453/25 od 03.04.2025. godine, pristupi proglašenju prestanka epidemije zarazne bolesti morbila na području Zeničko-dobojskog kantona.

III.

Obavezuje se Ministarstvo zdravstva da nakon prestanka epidemije zarazne bolesti morbila na području Zeničko-dobojskog kantona, osigura obavljanje nadzora nad zaraznom bolesti morbila, te održavanje i nastavak jačanja kapaciteta za pripravnost i odgovor za zarazne bolesti koje su pod nadzorom.

IV.

Ovaj zaključak stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-33-8152/25

Datum, 18.04.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Svim zdravstvenim ustanovama na području Kantona, putem Ministarstva,
1x Službena web stranica Zeničko-dobojskog kantona i Ministarstva zdravstva,
1x „Službene novine Zeničko-dobojskog kantona“,
1x a/a.

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
MINISTRY OF HEALTH

I N F O R M A C I J A
o trenutnoj epidemiološkoj situaciji zarazne bolesti morbila
na području Zeničko-dobojskog kantona

Zenica, april 2025. godine

I UVOD

Cilj ove Informacije je upoznati Vladu Zeničko-dobojskog kantona sa trenutnom epidemiološkom situacijom zarazne bolesti morbila na području Zeničko-dobojskog kantona, sa poduzetim aktivnostima na praćenju situacije i poduzetim mjerama suzbijanja epidemije, od zaprimanja Obavijesti JU Institut za zdravlje i sigurnost hrane Zenica (u daljem tekstu: INZ) o proglašenju epidemije zarazne bolesti morbili broj: 02-1144/24 od 12.04.2024. godine kao i o pozitivnom trendu smirivanja zaraze i zaprimanju Obavijesti izdate od strane INZ o odjavi epidemije zarazne bolesti morbili na području Zeničko-dobojskog kantona broj: 02-1453/25 od 03.04.2025. godine.

Naime, kao što je Vlada i javnost u Zeničko-dobojskom kantonu upoznata, pojavi zarazne bolesti morbila na području Zeničko-dobojskog kantona prethodila je pojava iste bolesti u Tuzlanskom kantonu i Kantonu Sarajevo krajem 2023. godine, što je dovelo do proglašenja epidemija u tim kantonima početkom 2024. godine. Na području Zeničko-dobojskog kantona prva prijava laboratorijski potvrđenih slučajeva bolesti zabilježena je u januaru 2024. godine u gradu Zenica. Po prijavi prvih slučajeva, Ministarstvo zdravstva u saradnji sa INZ odmah je poduzelo mjere s ciljem zaustavljanja širenja bolesti te izradilo je Informaciju broj: 11-33-5592-10/24 od 18.07.2024. godine kojom je na 36. sjednici upoznalo Vladu Zeničko-dobojskog kantona o epidemiološkoj situaciji zarazne bolesti morbila na području kantona. Vlada je Zaključkom broj: 02-33-13159/24 od 19.07.2024. godine usvojila navedenu Informaciju na 36. sjednici Vlade održanoj 18.07.2024. godine, te je naložila Ministarstvu zdravstva da kontinuirano prati razvoj epidemiološke situacije od zarazne bolesti morbili i da na osnovu stručne procjene, prema potrebi, pristupi proglašenju epidemije zarazne bolesti morbila na području Zeničko-dobojskog kantona. Shodno navedenom Zaključku, Ministarstvo zdravstva je donijelo Naredbu o proglašenju epidemije zarazne bolesti morbila broj: 11-33-5592-12/24 od 19.07.2024. godine („Sl. novine Federacije BiH“ broj: 59/24 te u „Sl. novine Zeničko-dobojskog kantona“ broj: 14/24) i Naredbu o provođenju mjera za sprječavanje i suzbijanje zarazne bolesti morbila na području Zeničko-dobojskog kantona broj: 11-33-5592-13/24 od 22.07.2024. godine („Sl. novine Zeničko-dobojskog kantona“ broj: 14/24).

Obzirom na evidentan trend smirivanja zaraze ovu informaciju sačinilo je Ministarstvo zdravstva u saradnji sa INZ, kako bi se Vlada Zeničko-dobojskog kantona i javnost u Zeničko-dobojskom kantonu upoznali sa stanjem i na bazi relevantnih informacija bile preduzete potrebne aktivnosti u smislu proglašenja prestanka epidemije.

II TRENUTNA EPIDEMIOLOŠKA SITUACIJA

Prvi laboratorijski potvrđeni slučaj bolesti morbila na području Zeničko-dobojskog kantona prijavljen je u januaru 2024. godine u gradu Zenica. Nakon toga, Ministarstvo zdravstva, u saradnji sa INZ, odmah je provelo niz preventivnih mjera i dostavilo preporuke svim relevantnim zdravstvenim ustanovama na području kantona. Aktivnosti su uključivale pojačanu vakcinaciju djece, edukaciju građana, te nadzor i izolaciju zaraženih osoba.

Ministarsvo zdravstva Zeničko-dobojskog kantona donijelo je dana 19.07.2024. godine Naredbu o proglašenju epidemije zarazne bolesti morbila za ugroženo područje teritoriju Zeničko-

dobojskog kantona. Odmah po proglašenju epidemije, Ministarstvo je izdalo set protivepidemijskih mjera, smjernica i preporuka koje su prosljeđene svim zdravstvenim ustanovama na Kantonu i ostalim relevantnim institucijama o postupanju i djelovanju u cilju prevencije, zaustavljanja i održavanja broja zaraženih i oboljelih na epidemiološki prihvatljivom nivou, sa posebnim akcentom na pojačano provođenje vakcinacije kao najvažnije i najdjelotvornije mjere. Također, na 40. sjednici Vlade održanoj 09.08.2024. godine, Vlada Zeničko-dobojskog kantona prihvatila je na prijedlog Ministarstva zdravstva Kantonalni plan pripravnosti i odgovora na pojavu epidemije morbila.

U skladu sa Naredbom Ministarstva zdravstva INZ je na terenu kontinuirano provodio aktivan nadzor nad provođenjem naprijed navedenih akata i svake sedmice Ministarstvu dostavljao Izvještaj o kretanju zaraznih bolesti pertussis i morbili na području Kantona.

Prema Izvještaju INZ-a broj: 02-1235/25 od 20.03.2025. godine o kretanju zaraznih bolesti na području Zeničko-dobojskog kantona, do 20.03.2025. godine ukupan broj oboljelih od morbila je 1606 slučajeva prema pristiglim prijavama o zaraznim bolestima na području Zeničko-dobojskog kantona. U sedmici koja je prethodila Izvještaju, nije prijavljen ni jedan novi slučaj. Analizom podataka iz izvještaja proizlazi da je reproduktivni broj (Ro) za morbile opao sa početnih 23 na 18, što ukazuje na zaustavljanje širenja bolesti. Najveći broj oboljelih dolazi iz dobne skupine od 0 do 6 godina, dok je značajan broj oboljelih bio nevakcinisan (93,2%).¹

Prema izvještajima INZ-a od 06.03.2025. godine, 13.03.2025. godine, i 20.03.2025. godine, nije prijavljen nijedan novi slučaj oboljelih od morbila na području Zeničko-dobojskog kantona. Tokom epidemije, broj hospitaliziranih oboljelih bio je nizak, dok su svi slučajevi imali povoljan klinički ishod, osim jednog zabilježenog smrtnog slučaja.

Pregled broja oboljelih od zarazne bolesti morbili na području Kantona u periodu od 01.01.2024. do 20.03.2025.godine

1. Teritorijalna rasprostranjenost morbila po općinama/gradovima ZDK od 01.01.2024. do 20.03.2025.

GRAD/OPĆINA	BROJ OBOLJELIH / 2024	BROJ OBOLJELIH / 2025	UKUPNO
BREZA	6		6
KAKANJ	481	1	482
OLOVO	13		13
TEŠANJ	3		3
USORA	2		2
VAREŠ	10		10
VISOKO	227	8	235
ZAVIDOVIĆI	76		76
ZENICA	771	4	775
ŽEPČE	4		4
ZDK Ukupno	1593	13	1606

¹ Reproductivni broj morbila (Ro-Reproductivni broj) je broj sekundarnih slučajeva do kojih jedan slučaj može dovesti u potpuno prijemljivoj populaciji).

2. Dobna zastupljenost oboljelih

DOBNE GRUPE	BROJ OBOLJELIH	%
0-6	984	61,3
7-14	446	27,7
15-24	56	3,5
25-49	109	6,8
50-64	11	0,7
ZDK Ukupno	1606	100

3. Vakcinalni status oboljelih

VAKCINALNI STATUS OBOLJELIH	BROJ OBOLJELIH	%
NEVAKCINISANI	1494	93,1
NEPOTPUNO VAKCINISANI	91	5,6
VAKCINISANI	21	1,3
ZDK Ukupno	1606	100

4. Broj hospitalizovanih oboljelih

HOSPITALIZACIJA	BROJ OBOLJELIH	%
HOSPITALIZOVAN	118	7,4
NISU HOSPITALIZOVANI	832	51,8
NEPOZNATO	656	40,8
ZDK Ukupno	1606	100

5. Kretanje bolesti/oboljeli po mjesecima

MJESEC	BROJ OBOLJELIH / 2024	BROJ OBOLJELIH / 2025	UKUPNO
JANUAR	2	10	12
FEBRUAR	12	3	15
MART	17		17
APRIL	99		99
MAJ	317		317
JUNI	561		561
JULI	408		408
AUGUST	69		69
SEPTEMBAR	18		18
OKTOBAR	7		7
NOVEMBAR	35		35
DECEMBAR	48		48
ZDK Ukupno	1593	13	1606

6. Klinički ishod bolesti

KLINIČKI ISHOD	UKUPNO
Živ	1605
Smrtni ishod	1
Izgubljen iz nadzora na ZDK	1
UKUPNO ZDK	1607

*Napomena: izgubljeni iz nadzora na ZDK je odselio u Sarajevo

*Napomena: exit.let. 19.06.2024. 1M/18 god. iz Zenice – exitus se desio na Infektivnom odjelu JU Kantonalna bolnica Zenica

Prateći i analizirajući naprijed prezentirane pokazatelje broja oboljelih INZ zaključuje da je epidemiološka situacija od zarazne bolesti morbila na području Zeničko-dobojskog kantona stabilna, pod kontrolom te je procijenjena kao povoljna.

Na osnovu trenutne situacije i svih relevantnih podataka, uzimajući u obzir izostanak novih prijava oboljelih od morbila u toku dvostrukog najdužeg inkubacijskog perioda, u Obavijesti o odjavi epidemije zarazne bolesti morbili na području ZDK broj: 02-1453/25 od 03.04.2025. godine, INZ konstatuje da su ispunjeni uslovi za odjavu epidemije morbila.

III PREPORUKA

Sumirajući naprijed prezentirane pokazatelje stanja sa zaraznom bolesti morbila na području Zeničko-dobojskog kantona, te dovodeći u vezu iste sa odredbama propisa koji regulišu postupanja zaštite stanovništva od zaraznih bolesti, konstatuje se kako slijedi:

- Članom 7. stav 1. Zakona o zaštiti stanovništva od zaraznih bolesti („Sl. novine Federacije BiH“ broj: 29/05) propisano je da prestanak epidemije, na osnovu epidemiološkog izvještaja zdravstvene ustanove, kantonalnog zavoda i Federalnog zavoda proglašava federalni odnosno kantonalni ministar.
- Na osnovu člana 16. Pravilnika o načinu prijavljivanja zaraznih bolesti („Sl. novine Federacije BiH“, broj: 101/12), prestanak epidemije (odjavu epidemije) zarazne bolesti, na propisanom obrascu, Kantonalni zavod za javno zdravstvo dostavlja Federalnom zavodu, uz istovremeno obavješćavanje kantonalnog ministarstva zdravstva. Prijava prestanka epidemije dostavlja se po isteku dvostrukog najdužeg inkubacijskog perioda određenog za zaraznu bolest koja se pojavila u epidemijskom obliku.
- Prema izvještajima INZ-a od 06.03.2025. godine, od 13.03.2025. godine i 20.03.2025. godine, o kretanju zaraznih bolesti na području Zeničko-dobojskog kantona, u sedmicama koje su prethodile Izvještajima, nisu prijavljeni novi slučajevi oboljelih od morbila te INZ predlaže Odjavu epidemije morbila na području Zeničko-dobojskog kantona, obzirom da je prošao dupli period inkubacije bolesti u toku kojeg nije bilo prijavljenih novih slučajeva oboljelih od morbila.
- Ministarstvo zdravstva je 07.04.2025. godine od INZ zaprimilo Obavijest o odjavi epidemije zarazne bolesti morbili na području ZDK broj: 02-1453/25 od 03.04.2025.

godine kojom obavještavaju ovo ministarstvo da je istekao dvostruki najduži inkubacioni period određen za morbile, obzirom da je posljednji slučaj oboljelih od morbila prijavljen 20.02.2025. godine. Navedeno je i da je INZ odjavu epidemije zarazne bolesti morbili proslijedio i Zavodu za javno zdravstvo Federacije BiH, na dan 03.04.2025. godine aktom broj: 02-1454/25.

Sastavni dio navedene Obavijesti su Odjava epidemije morbila za Grad Visoko od 02.04.2025. godine, Odjava epidemije morbila za Grad Zenica od 24.03.2025. godine, Odjava epidemije morbila za Općinu Kakanj od 18.11.2024. godine te Odjava epidemije morbila za Zeničko-dobojski kanton od 03.04.2025. godine.

Shodno naprijed navedenom Ministarstvo zdravstva predlaže Vladi Zeničko-dobojskog kantona sljedeći Zaključak:

1. da Vlada Zeničko-dobojskog kantona usvoji Informaciju o trenutnoj epidemiološkoj situaciji zarazne bolesti morbila na području Zeničko-dobojskog kantona Ministarstva zdravstva broj: 11-33-5592-20/24 od 10.04.2025. godine.
2. da Vlada Zeničko-dobojskog kantona obaveže Ministarstvo zdravstva da nastavi obavljati nadzor nad zaraznom bolesti morbila na području Zeničko-dobojskog kantona i da na osnovu Obavijesti JU Institut za zdravlje i sigurnost hrane Zenica o odjavi epidemije zarazne bolesti morbili na području ZDK broj: 02-1453/25 od 03.04.2025. godine, pristupi proglašenju prestanka epidemije zarazne bolesti morbila na području Zeničko-dobojskog kantona.
3. da Vlada Zeničko-dobojskog kantona obaveže Ministarstvo zdravstva da nakon prestanka epidemije zarazne bolesti morbila na području Zeničko-dobojskog kantona, osigura obavljanje nadzora nad zaraznom bolesti morbila, te održavanje i nastavak jačanja kapaciteta za pripravnost i odgovor za zarazne bolesti koje su pod nadzorom.

Prilog:

1 x Obavijest JU Institut za zdravlje i sigurnost hrane Zenica, o odjavi epidemije zarazne bolesti morbili na području Zeničko-dobojskog kantona broj: 02-1453/25 od 03.04.2025. godine

Broj: 11-33-5592-20/24
Zenica, 10.04.2025. godine

MINISTRICA

dr Aida Salčinović